

SAKSFRAMLEGG

Sakshandsamar: Åshild Ekrene
Arkivsaksnr.: 17/1205

Arkiv: 243 V08

Revisjon av kommunal tiltaksstrategi for økonomiske verkemidlar i landbruket 2017- 2020

Rådmannen si tilråding:

Kommunal tiltaksstrategi for økonomiske verkemidlar i landbruket 2017- 2020 vert godkjent som det går fram av vedlegget.

Saksutgreiing:

Prenta vedlegg:

1. Kommunal tiltaksstrategi for økonomiske verkemidlar i landbruket 2017- 2020
2. Uttale frå Fylkesmannen til revisjon av kommunal tiltaksstrategi for økonomiske verkemidlar i landbruket 2017- 2020
3. Retningslinjer for revisjon av tiltaksstrategi 2017

Uprenta vedlegg:

1. Tiltaksstrategi for økonomiske verkemidlar i landbruket 2013- 2016, Luster kommune
2. Forskrift om tilskot til spesielle miljøtiltak i jordbruket av 04.02.2004
3. Forskrift om tilskot til nærings- og miljøtiltak i skogbruket av 04.02.2004
4. Kommentar til forskrift om spesielle miljøtiltak i jordbruket, rundskriv 2017-13

Utval som har vedtaksmynde:

Plan- og forvaltningsstyret handsamar saka 03.04.2017.

Samandrag/vurdering:

Føremålet med lokal tiltaksstrategi er å fastsetja overordna retningslinjer for bruk av tilskotsordningane for spesielle miljøtiltak i jordbruket (SMIL) og nærings- og miljøtiltak i skogbruket (NMSK) i Luster kommune innanfor rammene i gjeldande forskrifter.

Luster kommune sin strategi vart fyrste gong vedteken 04.10.2004 og skal reviderast kvart fjerde år. Ny strategi vil gjelda for 2017- 2020.

Bondelaga i Luster, Bonde- og Småbrukarlaget, Luster Sau og Geit og Luster skogeigarlag har fått høve til å delta i revisjonsprosessen, slik det har vore lagt opp til frå sentralt hald.

Dei viktigaste endringane i framlegget er som følgjer:

For spesielle miljøtiltak i jordbruket (SMIL):

- Som fylgje av fleire forskriftsendringar er det presisert kven som kan få innvilga SMIL-midlar til ei kvar tid.

- *Skjøtsel* av slåtte- og beitemark er teke ut. Frå 2017 gjeld kun *rydding av slåtte- og beitemark*.
- Større vektlegging på og konkretisering av tiltak som hindrar/reduserer ureining. Det er flytta frå prioritet 2 til prioritet 1 i samsvar med sentrale føringar.
- Tiltak knytt til høgdegardar er teke ut (var tidlegare under prioritet 3).
- Tydlegare vilkår og presiseringar som grunnlag for tildeling av tilskot.
- Det kan løvvast tilskot til gjerde når dette er ein del av eit tiltak for å rydde eit beiteområde eller styre beitinga mot eit biologisk verdifullt område.
- Presisering av kva som kan vurderast innanfor SMIL- ordninga i forhold til andre tilskotsordningar.
- Presisering av korleis løvvingar etter SMIL- ordninga vert handsama i høve eksterne finansieringskjelder.

For nærings- og miljøtiltak i skogbruket (NMSK):

- Tydlegare prioritering av suppleringsplanting og markriving på furumark.

Innspel:

I samband med høyringa (for SMIL) kom det innspel frå næringsorganisasjonane om at det er ynskjeleg å fokusere på tiltak som kjem det aktive landbruket til gode. Det er ivaretake ved vidareføring av at ein prioriterer søkjarar som har rett på produksjonstilskot (på eige bruk eller leigejord) framfor andre søkjarar.

Rådmannen viser til prenta vedlegg: Kommunal tiltaksstrategi for økonomiske verkemidlar i landbruket 2017- 2020.

Her finn ein kommunen sin tilskotsstrategi for spesielle miljøtiltak i jordbruket (SMIL) og for nærings- og miljøtiltak i skogbruket (NMSK).

Planen/strategien vert tilrådd vedteken slik den er lagt fram.

Dato 27.03.2017

Jarle Skartun
rådmann

Steinulf Skjerdal
Landbruksjef

Særutskrift skal sendast:
m/kopi til: Fylkesmannen
i Sogn og Fjordane